

آبونه شرائطی

ممالك عثمانیه ده سنه لکی (۶۵)، آتی
آیلفی (۳۵) غروشدرد.
ممالك اجنیه ده سنه لکی (۸۰)، آتی
آیلفی (۴۵) غروشدرد.

اداره خانه

باب عالی جاده سنده دائرة مخصوصه

اخطارات

آبونه بدلی پشیندر.

مسلكه موافق آثار مع المونیة قبول
اولنور. درج ایدلمه یازیلر اعاده
اولونماز.

الکشاف

اخطارات

رساله مزدن آندینی کوسترملک
شرطیله تنون یازیلر هر هانکی بر
غزته طرفندن اقتباس اولونه بیلیر.
مکتوبلرک، امضاری واضح و
اوقوناقل اولسی و ابونه صره
نومروسی محتوی بولنسی لازمدر
ممالك اجنیه ایچون آبونه اولانلرک
آدرس لرینک فرانسزجه ده یازلمسی
رجا اولنور.
باره کوندردلیدی زمان نهیه دایر
اولدینکک واضحاً بیلدیرلمسی رجا
اولنور.

دینی، فلسفی، علمی، ادبی هفته لاق مجموعه اسلامیه در

صاحب و مدیر مشول

باش محرر

اشرف ادیب

محمد عا کف

والله یهدی من یشاء الی صراط مستقیم

اتبعون اهدکم سبیل الرشاد

عدد ۳۹۸

۷ ذی القعدہ ۱۳۳۳

پنجشنبه

۳ ایلول ۱۳۳۱

جلد ۱۴

مَقَالَات

انتباه اسلام

ائتلاف مثلث دولتری آرتق کندیلرینی بر امر واقع قارشوسند بولیورلر. مقام معلای خلافت اسلامیہ طرفدن اعلان بیوریلان جهادک سائر ممالک اسلامیہده اجرای تأثیر ایدمه جگنی، و آنجق ممالک عثمانیه منحصراً قالدیجی ادعا ایدن دول مذکورہ شیمدی حقیقت حالی فعلاً - آثاریلہ - آکلامغه، کورمکه باشلادیلر. بز ایسه انکلیزلرک و مطبوعاتلرینک بو تخمینلرنده زیاده سیلہ یا کیلمش اولدقلرینی بر سنہ اول. عنعنہ سیلہ سیل الرشاد نسخہ لرندہ ادعا ایله، مقام خلافتک آواز مردانه سنہ بوتون عالم اسلام طرفدن (سمعنا و اطعنا) نداسیلہ جواب ویریلہ جگنی درمیان ایتمش ایدک. چوق کچمکسزین ادعایرمز برر برر میدانہ چیقمغه باشلایه رق، هرشیدن اول عراقده یشایان بالجله شیعی المذهب مجتهدلری حضراتنک میدان حربہ اشتراک، بیکارجه قبائل وعشائرک آنلره التحاق وانضمام ایتدکلرینی کورمکه قریرالین اولدق. حتی مجتهدین مشارالیم حضراء تندن بر قاچ ذات محترمک میدان حربده (جهاد فی سبیل الله) اوغورندہ ترک حیات ایتدکلریده واقع وغیرقابل انکاردر.

کیت کیده ایرانی قرده شلمزده امر جهاده اهمیت ویروب اوتده بریده، شالده، جنوبده روسیه وانکلتزه علیهنده خصومت آتاری کورولدی. افکار عمومیہ مشبوع برحاله کلدی. انکلتزه و روسیه دولتری هر نه یابدیلرسه ایران قاینه لرینی کندی لهرینه چورمه مدیلر. هر درلو وعدلرده بولندقلری حالده بر درلو ایران رجائی قاندریوب بز قارشو بولندیرمقدن عاجز قالدیلر، حسیات اسلامیہ، حسیات اخوتکارانه هراییکی حکومتک وعد و مواعیدینه غلبه جالیدی، ایرانی بزم لهمزده اوله رق پابرجای ثبات ایتدی. ایران حکومتی، بویکی اسلامیت دشمنی اولان دولترک تهدیدلرینه ده قولاق آصمدی.

بو ائنادہ - یعنی بو بر سنہ ایچنده - یواش یواش جهاد خبرلری، انکلتزه نک بوتون ممانعتہ رغماً، بالجله ممالک اسلامیہ یاییلدی. اسلام هیئتلری، کنجلی کمال فعالیتله ایفای وظیفه به باشلایه رق، مسلمانلری حقیقتدن خبردار ایدرک، وظیفه لرینی طانتدیردیلر. جناب حقہ حمد و ثنالر ایدرک، بو کون بوتون عالم اسلام اویانمش، حقیقتی اکلامش، جهاد خبرلری طویمش در. بوندن صوکره مسلمانلر وظائف دینیه لرینی ایفا ایله آقین آقین سل سیف غزا و جهاد ایدرک

اسلامیتک انتقامی آلمغه چالیشه جقلری بزجه محققدر. ایران حرکتہ باشلار باشلاماز صیره ایله بلوچستان، افغانستان، تورکستان، هندستان مسلمانلری مقام خلافتہ، ایران حکومتک اثرینه اقتفا ایتمکده دقیقه بیلہ ضایع ایتیمه جکلر در. بعضیلری ایرانی عالم اسلام اورتہ سندہ بر دیوار، بر مانعه تصور ایتمکه یا ککش بر ظن و ذهابه بولندقلرینی شیمدی کرکی کبی آکلامش لر در. ایران اوله دکل، صمیمی، دکرلی و دنیالر قدر قیمته مالک بر مسلمان قاردهش، دین قاردهشی، قان قاردهشی اولدیغنی بو کونکی حرکات و سکناتیلہ اثبات ایتمکده در. کوریلورک، ایرانک بوتون ولایات و ایالاتنده دهشتی بر جریان، مدهش بر فوران و غلیان حکمفرما اولوب، انکلتزه و روسیه علیهنده کی خصومت و عداوت طویغولری کیتدکجه چوغالبده در. هر ایرانی بو کون انتقام حسیله متحسدر. کرمانشاهده، اصفهان و شیرازده، خلیج فارسده، بندر بو شهرده، انکلیز علیهدارلری کوندن کونه کسب توسع ایدیور. شمال قسمنده ده غیور آذربایجانلیلر روسیه علیهنده طاورانه قده قصور ایتیلورلر. بوتون بو جریانلری اداره ایدن کتله ایسه (ایران دهموقرات) لریدرک، بونلر هر درلو تشکیلاته، شعبه لره، مرکز لره مالک اولوب، اسلامی بر پروغراء ملری ده واردرک مذکور پروغراءمک تملی، اساسی بر (اتفاق مثلث اسلامی) وجوده کتیرلمسندن عبارتدر. بو اتفاق ارکانی دولت علیه، ایران، افغانستان حکومتلریدر. ایران حرکتہ کلدکدن صوکره افغانستان ده زیاده اختیار سکوت ایدمه جگ، خواہ ناخواہ هندستانه هجوم ایلہ جکدر.

ذاتاً بو هجوملرک مقدماتی شیمدین باشلامشدر. ننه کیم انکلتزه حکومتی ایله، رویتر آژانسی بیلہ هند حدودنده کی وقایعی اعتراف مجبور اولمشلر در. ایرانی عسکر سز، پاره سز ظن ایدوب، او حکومتی عاجز تصویر ایدلرده یک یا کیایورلر. ایران بر عرق، بر ملت، بر کتله اولوب، جلہ سی مسلماندر. بونلر، بر مذهب، بر دینه تابع اولدقلرندن کندی مجتهدلرینک امرلرینه حرفیاً اطاعت ایتمکه معروفدرلر. بر کره میدان جهاده آتیلدقن صوکره ایرانلیلر، هر شیرینی فدا ایتکدن چکینمز لر. وار، یوقلرینی بو اوغورده صرف ایدرلر. ذاتاً اوتوز سنہ اول دخی انکلیز رژی قومپانیه سنه قارشو نه قدر دهشتی اولدقلرینی فعلاً اثبات ایلشدر در. بر کونده نارکیه لر قیریلدی، تبا کو استعمالی حرام اولدی کیتدی. اک صوکره شاهک سرانی ملت طرفدن قوشادلدی. بونک اوزرینه شاه رژی قومپانیه سندن اوانس اوله رق آلدیغنی پارملری ویردرک بوسورتله آسایشی اعاده ایتک مجبورتی حس ایلدی.

ایران یه او ایران اولوب د کیشمه مشدر . داثما ستار ، باقر خانلره ، فداکار اولاده مالک اولان ایران ایله ، تشبث شخصی ده هر ملتدن زیاده ایلری کیتمش اولان ایرانلر شو صیره ده دشمنلرینی قوغوب ، مملکتلرینی زنجیر اسارتدن تخلص ایتمک خصوصنده کی عزم و حزم لری شایان تقدیر و تحسیندر .

دولت علیه ، ملت عثمانیه به قارشو داثما حسیات اخوتکارانه ایله متحسین اولان ایرانلی قارده شلرمز دشمنلرینی مملکتلرندن طرد ایتمکله هم کندیلرینه ، همد عثمانلی قارده شلرینه ایلیک ایتمش اولورلر . بوضوئله حربدن صوکره حقیقی و مشترک المنفعه ایکی قاردهش کبی کینوب ، سائر طوائف اسلامیه بی ده دازه اتحاد و اتفاقلرینه ادخال ایتمکله اسلامیتک شان و شرفی تزئید ایدم جککرینه شبهه یوقدر . بوکون ایرانده کی کنج ، منورالفکرلردن طوتوب ، اختیارلره ، قادینلره وارنجیه قدر هپ بو حس ایله متحسین بولمقده درلر . ایران مطبوعاتی بوضیره ده پک بیوک بر رولی ایفا ایدیورلر . خلقی اتحاد دعوتله ، سلامت یولنی کندیلرینه کوسترمکده جدأ بذل فعالیت ایلورلر . کچلرده ، ایران مجاهدلرندن بری اولوب ، مملکتته عزیمت ایدن وحدوده قدمهاده اولدقدن صوکره انکلتزه و روسیه نک کرمانشاهده کی قونسلوسلرینک تشویقلریله اثنای راهده اشقیالیه اولدیریلن (اشرف زاده) میرزا محمودخان بوکره ایران صوف خلقی مجاهداته دعوت ایچون کیتمشیدی . دیمک که ایران یکی بر قربان ویریور . بو ذات مرحوم ، پارسده انتشار ایدن فرانسزجه (عالم اسلام) ک محررلردن اولوب ، علی الاکثر سبیل الرشادک عالم اسلام حقنده کی مقالاتی فرانسزجه به ترجمه ایدیوردی . شهرمزه انتشار ایدن فارسی (خاور) رفیقمر مرحومک خبر وفاتی استخبار ایدرک ، صورت وفاتیه ترجمه حالی مفصل بر صورتده صحیفه لرینه کچیرمشدر .

دیمک ایستورز که عالم اسلام بوش وقت کچیرمیوب ، وقت مرهوی کوزه تیوردی . ایشته بو وقت مرهون شیمدی حلول ایتمشدر . بناء علیه جوق کچمکسزین محیط اسلامیتک هر گوشه و بوجاغدن کوکره مش ارسلان سسلرینی ایشیده جکر . بو حرب عمومی نتیجه سنده عالم اسلامک ، مسلمانلرک ترقی و تعالی ایدم جککریندن امینر . حالت ترعده بولان روسیه ایله ، پریشان بولان فرانسه ، انکلتزه نک کندیلرینی نصل آلداتمش اولدقلرینی حربدن صوکره حقیله آکلایه . جکلردر . بز او یله ظن ایدیورر که بو حرب عمومی ، صلحدن صوکره دیگر منفرد محاربه لرک باشلانغجیدر . نه کیم بالقان محاربه سی ده بویله اولدی . فرانسه نک ، روسیه نک انکلتزه به قارشو یارین خصمانه بر وضعیت آلیه جکلرینی کیم تأمین ایدم بیلیر ؟ حتی یارینکی روسیه نک ،

مطلق العنان و مستبد بر چارک امرینه منقاد بر حکومت اولیه جغه دائر امنیت بر کالدر . روسیه ده کی عناصر شمیدین اصول مشروطیتک تطبیقی طلب ایتمکده درلر . فرانسلرک جمهوریه قارشو عصیان ایدوب تکرار بر فرانسه اختلالی میدانه کتیرمیه جککری نه معلوم ؟ یونلر بزجه محقق شیلردر که طبیعت و ظواهر اشیا بویله اوله جغنی شیمیدین کوستریور .

خلاصه محقق بیلدیکمز بر شی وارسه ، اوده انکلتزه نک ذیلانیه ، محقرانه بر صورتده کوچوله جکندن ، آنک غدر و تزویر اتنه سنین و فیره دن برو قربان اولان عالم اسلامک ، امت محمدک یو کسله جککریندن عبارتدر . زمان انشاء الله بزم بو تخمینمزه یا کیلمش اولدیغمز یاقینده اثبات ایدم جکدر .

س . م . نویسه

تصحیح

۳۴۷ نجی نسخده تفسیر قرآن کریم صحیفه لرینک اثنای وضعنده مطبعه جه بر یاکلشلق وقوعه ککش ؛ ۶۶ نجی صحیفه یرینه ۶۷ نجی صحیفه قونولمش . بناء علیه رقلرک او صورتله دکیشدرلمسی اقتضا ایدر . یعنی باشده کی ۶۵ نجی صحیفه دن صوکره ۶۶ نجی صحیفه : « این مجاهد یعقوبک نامنی طی ... » دیه باشلایان و سهواً ۶۷ رفی وضع اولونان صحیفه در . « آزاده قالمیور . » جمله سیله ختام بولان بو صحیفه دن صوکره سهواً ۶۶ رفیله مرقم بولونان « بعضیلرندن ایکی ذات ... » دیه باشلایان صاعده کی صحیفه ککیر .

خارجده کی قارئین کرامتک نظر دقتیرنه

رومانیا ، بلغارستان و بوسنه ده کی قارئلرمن استانبول ایچون پوستلر باره قبول ایتمدیکی جهته آبونه بدلاتنک هانکی واسطه ایله کوندزیه بیله جکنی سؤال ایدیورلر . رومانیا و بلغارستانده کی قارئلرمنک فله ده بالقان اداره خانه سنده ادهم روحی بکه ، عموم بوسنه ده کی آبونانلرمنکده سرای بوسنده رئیس العلما حاجی جمال الدین افندی حضرتلرینه ارسال بویورملری رجا اولتور . اونلر باقیه واسطه سیله بورایه کوندرمک لطفنده بولورلر . خارج ایچون سبیل الرشادک سنه ک آبونه بدلی ۸۰ غروشدر ، که یو کونکی پیاسه به کوره رومانیا پاره سی ۱۸ فرانق ، بلغارستان پاره سی ۲۲ فرانق ، اوستریا پاره سی ده یکرمی قرون طوتار .